

■ GLOSSA

Stiropor

DA CLÀ RIATSCH

Idat glied cun allergias da pollen. Jau hai in'alergia da propaganda. Mintga banca, mintga firma: «innovativa, dinamica, pragmatica». Grazia al rg è la Rumantschia da B. C. «innovativa e dinamica», las regiuns rumantschas «avertas e pragmaticas» (LQ 1-2-2011). Jau propon in moratorium da 10 onns per stiropor propagandistic: «innovativ», «pragmatic», «dynamic», «visiuns», «sinergias»... Stop it!

Moebiusschlaufe». Il rg n'è betg impurtant per la scola, mabain per la vita, «nua ch'il rg gioga ina rolla impurtanta (administraziun, medias, etc.)». B. C. ha decretà il rg a las medias rumantschas. Ussa declera el pertge ch'ins sto emprender el en scola: per vi da si' impurtanza en la vita. La vita èn l'administraziun e las medias.

Las grondas ovras». Rg sto vegnir emprendì perquai che «grondas ovras cumparan en questa furma». Perquai hai schizunt jau emprendì rg: per giu-



dair «las grondas ovras». In stritg da la politica chantunala e la litteratura rumantscha è or da la scola, tradiziun scritta daventa material d'archiv. Uss legian els en scola las «grondas ovras».

Excellents meds d'instrucziun en rg mussan tge che daventa pussaivel...». Forsa mussan era las evaluaziuns da l'instrucziun da rg fatgas da l'Universitad da Fribourg tge che «daventa pussaivel». Perquai ha la regenza dal chantun Grischun scumandà da publitgar ellas.

Meds d'instrucziun: in flash da beadientscha en l'orma da l'uffant. Jau ma regord dal «Cudesch da quint per la 6avla classa». Perquai faschevan nus era

uschè bels dissegnins en noss «excellents meds d'instrucziun»: per onurar lur excellenza.

Stiropor da medias, vendì cun dir ch'el saja impurtant en la vita. Be per exempel: en las medias.

Encunter propaganda gidan dumondas:

Sch'intgin di: «Nus essan sin la faussa via!» Gida la resposta: «Nus vain excellents chalzers?»

Sche l'existenza da tants «pioniers» dependess era da l'ieli chantunal e betg mo da lur incredibla «avertezza»?

Sche la musica na deriva betg mo da la musicologia, pudessi esser che la lingua na deriva betg mo da la linguistica? Sche rg na fiss betg ina lingua, mabain ina proposta, ina pussaivladad per elavurar ina?

Duvrass ina tala pussaivladad forsa temp, fidanza, la collavuraziun, la fantasia da blers? Sch'intgins vessan dubis: fissi bun da tadlar tge ch'els din?